

Қазақстан Республикасы ұлттық қауіпсіздік органдарының нышандары туралы

Қазақстан Республикасы Президентінің Жарлығы. 1997 жылғы 23 мамырдағы № 3526.

Ескерту. Тақырыпқа өзгерту енгізілді - ҚР Президентінің 2011.09.30 № 155 Жарлығымен.

"Қазақстан Республикасының ұлттық қауіпсіздік органдары туралы" Қазақстан Республикасы Заңының 8-бабының 2-1-тармағына сәйкес **ҚАУЛЫ ЕТЕМІН**:

Ескерту. Кіріспе жаңа редакцияда – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

1. Қазақстан Республикасы ұлттық қауіпсіздік органдарының нышандары:

1) Қазақстан Республикасы ұлттық қауіпсіздік органдарының туы;

2) Қазақстан Республикасы ұлттық қауіпсіздік органдарының эмблемасы;

3) Қазақстан Республикасы Ұлттық қауіпсіздік комитеті "А" арнаулы мақсаттағы қызметінің туы;

4) Қазақстан Республикасы Ұлттық қауіпсіздік комитеті Сыртқы барлау қызметінің жалауы;

5) Қазақстан Республикасы Ұлттық қауіпсіздік комитеті Академиясының жалауы болып белгіленсін.

Ескерту. 1-тармақ жаңа редакцияда – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

2. Алып тасталды - ҚР Президентінің 2011.09.30 № 155 Жарлығымен.

3. Мыналардың:

1) осы Жарлыққа 1-қосымшаға сәйкес Қазақстан Республикасы ұлттық қауіпсіздік органдары туынын;

2) осы Жарлыққа 2-қосымшаға сәйкес Қазақстан Республикасы ұлттық қауіпсіздік органдары эмблемасынын;

3) осы Жарлыққа 3-қосымшаға сәйкес Қазақстан Республикасы Ұлттық қауіпсіздік комитеті "А" арнаулы мақсаттағы қызметі туынын;

4) осы Жарлыққа 4-қосымшаға сәйкес Қазақстан Республикасы Ұлттық қауіпсіздік комитеті Сыртқы барлау қызметі жалауынын;

5) осы Жарлыққа 5-қосымшаға сәйкес Қазақстан Республикасы Ұлттық қауіпсіздік комитеті Академиясы жалауының бейнесі мен сипаттамасы бекітілсін.

Ескерту. 3-тармақ жаңа редакцияда – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

4. Қазақстан Республикасы ұлттық қауіпсіздік органдарының нышандарын дайындауды Қазақстан Республикасының мемлекеттік нышандарын дайындайтын көсіпорындар жүзеге асырады деп белгіленсін.

Ескерту. 4-тармақ жаңа редакцияда - ҚР Президентінің 2011.09.30 № 155

Жарлығымен.

5. Былай деп айқындалсын:

1) осы Жарлықтың 1-тармағында көрсетілген Қазақстан Республикасы ұлттық қауіпсіздік органдарының тулары мен жалауларын ұстау, сақтау және шығару шарты Қазақстан Республикасы ұлттық қауіпсіздік органдарының ішкі қызмет жарғысында айқындалады;

2) Қазақстан Республикасы ұлттық қауіпсіздік органдарының әмблемасы Қазақстан Республикасы Ұлттық қауіпсіздік комитетінің қызметтік ғимараттарында, сондай-ақ Қазақстан Республикасы Ұлттық қауіпсіздік комитеті органдарының ғимараттарында орнатылады;

3) Қазақстан Республикасы Ұлттық қауіпсіздік комитеті Төрағасының бүйрықтарында және өзге де нормативтік құқықтық актілерінде Қазақстан Республикасы ұлттық қауіпсіздік органдары нышандарының бейнесін міндетті түрде көрсетудің басқа да жағдайлары көзделуі мүмкін.

Ескерту. 5-тармақ жаңа редакцияда – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

6. Нышандарды дайындау бюджетте Қазақстан Республикасы ұлттық қауіпсіздік органдарын ұстауға бөлінетін қаражат есебінен жүзеге асырылады деп белгіленсін.

Ескерту. 6-тармақ жаңа редакцияда - ҚР Президентінің 2011.09.30 № 155

Жарлығымен.

7. Қазақстан Республикасының Үкіметі Қазақстан Республикасы Ұлттық қауіпсіздік комитетінің ұсынуы бойынша өзінің нормативтік актілерін осы жарлыққа сәйкес келтірсін.

8. Осы жарлық қол қойылған күнінен бастап қүшіне енеді.

Қазақстан Республикасының
Президенті

Қазақстан Республикасы
Президентінің
1997 жылғы 23 мамырдағы
№ 3526 Жарлығымен
БЕКІТІЛГЕН

**Қазақстан Республикасы ұлттық қауіпсіздік органдары туының
СИПАТТАМАСЫ**

Ескерту. Сипаттама алғып тасталды – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

Қазақстан Республикасы

Президентінің
1997 жылғы 23 мамырдағы
№ 3526 Жарлығымен
БЕКІТІЛГЕН

Қазақстан Республикасы ұлттық қауіпсіздік органдары әмблемасының СИПАТТАМАСЫ

Ескерту. Сипаттама алып тасталды – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

Қазақстан Республикасы
Президентінің
1997 жылғы 23 мамырдағы
№ 3526 Жарлығына
1-ҚОСЫМША

Қазақстан Республикасы ұлттық қауіпсіздік органдары туының СИПАТТАМАСЫ

Ескерту. 1-қосымшамен толықтырылды – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

Қазақстан Республикасы ұлттық қауіпсіздік органдарының туы шеттерінің арақатынасы 2:3 болатын (өлшемі 1000:1500 мм) көктікен (көк) түсті тік бұрышты матадан тұрады. Тудың ортасында диаметрі 500 мм (тудың еніне қатысты 1/3) алтын (сары) түсті Қазақстан Республикасы ұлттық қауіпсіздік органдары әмблемасының негізгі элементтерінің трафаретті бейнесі – айшықталған жеті ұшты жүлдyz, жүлдyzдың ортасында шаңырағы бар кіші қалқан орналасқан.

Тудың сол жағы диаметрі 32 мм және ұзындығы 2000 мм сапқа кигізуге мүмкіндік беретін тігіспен тігіледі. Саптың ұшы найза пішінінде болады және алтын-сары түсті металдан жасалған. Ұштықтың ұзындығы – 260 мм, ені – 110 мм. Найзага ұшында қос шашағы бар алтын-сары түстес өрілген бау бекітілген. Баудың ұзындығы – 750 мм, шашақтардың ұзындығы – 250 мм.

Қазақстан Республикасы ұлттық қауіпсіздік органдарының ТУЫ



Қазақстан Республикасы
Президентінің
1997 жылғы 23 мамырдағы
№ 3526 Жарлығына
2-ҚОСЫМША

Қазақстан Республикасы ұлттық қауіпсіздік органдары әмблемасының СИПАТТАМАСЫ

Ескерту. 2-қосымшамен толықтырылды – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

Қазақстан Республикасы ұлттық қауіпсіздік органдарының әмблемасы көгілдір (аспанкөк) түсті орталық алаңы (диаметрі 750 мм) және алтын (сары) түсті жиекпен (ені 250 мм) көмкерілген көктікен (көк) түсті сыртқы шеңбері (ені 750 мм) бар дөңгелек қалқан (диаметрі 1000 м) бейнесінен тұрады.

Көктікен (көк) түсті қалқанның сыртқы шеңберін бойлай мемлекеттік тілде: ұстіңгі жағында "ҚАЗАҚСТАН РЕСПУБЛИКАСЫ", төменгі жағында – "ҰЛТТЫҚ ҚАУІПСІЗДІК КОМИТЕТИ" деген жазу (қаріп биектігі 550 мм) жазылған. Жазулар күміс (ак) түсте орындалған.

Қалқанның ортасында көгілдір (аспанкөк) түсті алаңның үстінде жеті доғал шүғыласы бар, алтын (сары) негізге күрең қызыл (қою қызыл) түсті айшықты жеті үшты жұлдыз (сәулелердің биіктігі бойынша диаметрі – 750 мм) орналасқан.

Жақұтты жұлдыздың ортасында кіші қалқан (диаметрі 400 мм) орналасқан.

Алтын (сары) жиекпен (ені 10 мм) көмкерілген көктікен (көк) түсті қалқанның (ені 40 мм) шеңберін бойлай мемлекеттік тілде (қаріп биіктігі 36 мм): "НАМЫС. АЙБЫН. ОТАН" деген жазу (ұран) жазылған. Жазулар күміс (ақ) түсте орындалған.

Қалқанның ортасында көгілдір (аспанкөк) түстің үстіне алтын (сары) түсті киіз үй күмбезінің айшықты бейнесі – "шаңырақ" (диаметрі 280 мм) орналасқан.

Эмблеманың негізгі бөлшектерін:

кіші қалқан және шаңырағымен бірге ұран жазылған жұлдызды (орташа эмблема);

шаңырағы бар ұрансыз кіші қалқанды (кіші эмблема) өз алдында эмблемалар ретінде қолдануға жол беріледі.

Кіші эмблеманы пайдалану кезінде кіші қалқанның сыртқы шеңберін бойлай жеті күміс (ақ) тойтарма шегениң бейнесі салынады.

Қазақстан Республикасы ұлттық қауіпсіздік органдарының ЭМБЛЕМАСЫ



Қазақстан Республикасы
Президентінің
1997 жылғы 23 мамырдағы
№ 3526 Жарлығына
3-ҚОСЫМША

**Қазақстан Республикасы Ұлттық қауіпсіздік комитеті "А" арнаулы мақсаттағы
қызметі туының СИПАТТАМАСЫ**


Ескерту. 3-қосымшамен толықтырылды – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

Қазақстан Республикасы Ұлттық қауіпсіздік комитеті "А" арнаулы мақсаттағы қызметінің туы шеттерінің арақатынасы 2:3 болатын (өлшемі 1000x1500 мм) көктікен (көк) түсті тік бұрышты матадан түрады. Тудың ортасында диаметрі 500 мм (тудың

еніне қатысты 1/3) Қазақстан Республикасы Ұлттық қауіпсіздік комитеті "А" арнаулы мақсаттағы қызметінің негізгі элементтерінің трафареттік бейнесі орналасқан.

Тудың сол жағы диаметрі 32 мм және ұзындығы 2000 мм сапқа кигізуге мүмкіндік беретін тігіспен тігіледі. Саптың ұшы найза пішінінде болады және алтын-сары түсті металдан жасалған. Ұштықтың ұзындығы – 260 мм, ені – 110 мм. Найзаға ұшында қос шашағы бар алтын-сары түстес өрілген бау бекітілген. Баудың ұзындығы – 750 мм, шашақтардың ұзындығы – 250 мм.

Қазақстан Республикасы Ұлттық қауіпсіздік комитеті "А" арнаулы мақсаттағы қызметінің ТҮҮІ



1997 жылғы 23 мамырдағы

№ 3526 Жарлығына

4-ҚОСЫМША

Қазақстан Республикасы Ұлттық қауіпсіздік комитеті Сыртқы барлау қызметі жалауының СИПАТТАМАСЫ

Ескерту. 4-қосымшамен толықтырылды – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

Қазақстан Республикасы Ұлттық қауіпсіздік комитеті Сыртқы барлау қызметінің жалауы тік бұрышты матадан, саптан және шашақтары бар баудан тұрады.

Жалаудың матасы қою көк түсті тік бұрышты, оның өлшемі: ұзындығы 200 см, ені 100 см.

Жалаудың орта тұсында қою сарғыш түспен көмкерілген жайылған қанаттарымен үй, Отан дегенді білдіретін киіз үй фрагменті – керегені жауып тұрған бүркіт орналасқан.

Жалаудың үш жақ шеті алтын-сары түстес жібек шашақпен көмкерілген.

Матаның бір жақ енінде оны сапқа кигізуге арналған тесік бар, тесіктің диаметрі – 4 см. Жалаудың сабы диаметрі 4 см, ұзындығы 250 см дөңгелек қималы ағаштан жасалған. Сап ашиқ қоңыр түске боялған, сырланған және төменгі ұшында металл шығыршығы, ал жоғарғы ұшында – алтын түсті әшекейлі ұштығы бар.

Жалаудың бауы ширатылған, алтын түсті жібектен жасалған, ұштарында ұзындығы 15 см болатын екі шашақ бар. Баудың ұзындығы – 270–285 см.

**Қазақстан Республикасы Ұлттық қауіпсіздік комитеті Сыртқы барлау қызметінің
ЖАЛАУЫ**



Қазақстан Республикасы
Президентінің
1997 жылғы 23 мамырдағы
№ 3526 Жарлығына
5-ҚОСЫМША

Қазақстан Республикасы Ұлттық қауіпсіздік комитеті Академиясы жалауының СИПАТТАМАСЫ

Ескерту. 5-қосымшамен толықтырылды – ҚР Президентінің 24.06.2024 № 583 (алғашқы ресми жарияланған күнінен кейін қолданысқа енгізіледі) Жарлығымен.

Қазақстан Республикасы Ұлттық қауіпсіздік комитеті Академиясының (бұдан әрі – ҰҚҚ Академиясы) жалауы алтын (сары) түсті жиекпен жиектелген, шеттерінің арақатынасы 2:3 болатын (өлшемі 1000:1500 мм) көктікен түсті тік бұрышты матадан тұрады. Жалаудың ортасында өлшемі 740x350 мм (жалаудың еніне қатысты 1/3) алтын (сары) түсті ҰҚҚ Академиясы эмблемасының негізгі элементтерінің трафареттік бейнесі – ашылған кітап негізгі дөңгелек қалқан, қосарлы жеті ұшты жүлдэз, шанырағы бар кіші қалқан, қылқалам, қылыш орналасқан.

Матаның жоғарғы шетінде алтын түсті жібекпен мемлекеттік тілде: "ҚАЗАҚСТАН РЕСПУБЛИКАСЫ ҰЛТТЫҚ ҚАУІПСІЗДІК КОМИТЕТИНІҢ АКАДЕМИЯСЫ" деген жазу кестеленген, әріптердің биіктігі – 7,5 см.

Матаның төменгі шетінде алтын түсті жібекпен мемлекеттік тілде: "ОТАНҒА АДАЛ ҚЫЗМЕТ" деген жазу кестеленген, әріптердің биіктігі – 8,5 см.

Сол жағы жалауды диаметрі 32 мм және ұзындығы 2000 мм сапқа тағуға мүмкіндік беретін тігіспен тігілген.

Саптың ұшы найза пішінінде және алтын-сары түсті металдан жасалған. Ұштықтың биіктігі – 260 мм, ені – 110 мм.

Найзаға ұштарында екі шашағы бар өрілген алтын-сары түсті бау бекітілген. Баудың ұзындығы – 750 мм, шашақтардың ұзындығы – 250 мм.

**Қазақстан Республикасы Ұлттық қауіпсіздік комитеті Академиясының
ЖАЛАУЫ**



© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК